

六
典
通
考

六典通考卷二十

湖西閻鎮珩輯

爵命考

歷代爵命

漢興制二等之爵分王子弟大啟九國謂之諸侯王王子弟

封爲侯者謂之諸侯

獨斷周末諸侯或稱王而漢天子自以皇帝爲稱故以王號加之總名諸侯

羣臣異姓以功封者謂之列侯列侯承秦爵二十等爲徹侯

避武帝諱曰通侯後更曰列侯列侯功大者食縣小者食鄉亭

侯歸國不立宮室各隨貧富裁別功大者食縣小者食鄉亭

得臣其所食吏民關內侯列侯出關就國侯但爵身其有家累者與之關內之邑得食其租稅

也承秦賜爵十九等無土寄食在所縣民租多少各有戶數

時六國未平將帥皆家關中故以爲號

其諸侯功德優盛朝廷所敬異有賜特

進者其位在三公下其次列位有功德天子命爲諸侯者謂

之朝侯其位次九卿下皆平冕文衣侍祠郊廟其稱侍祠侯

者但侍祠而無朝位其非朝侯侍祠而以下土小國或以肺

腑宿親若公主子孫或奉先侯墳墓在京師者亦隨時見會

謂之隈諸侯凡諸侯王皆金璽盤綬古印璽通名掌治其國王常

冠遠遊冠綬五采而多朱自稱曰寡人教曰令初漢諸王因項羽所立諸

王之制地廣大至千里王嫡子嗣位受拜畢立於門外使者既出拜送還升轎轎訖又拜其紹封爵黜者內史官屬亦以

率減元朔中令諸王推恩得分封子弟亦爲列侯凡皇子封王者受茅土歸以立社

稷其他功臣及鄉亭他姓公侯各以其戶數租入爲限不受

茅土亦不立社帝女承秦制曰公主天子嫁女於諸侯必使諸侯同姓者主之故謂

之公帝姊妹曰長公主諸王女曰翁主諸王自主婚故其女曰翁主翁者父也

初高帝起沛武臣多以功增爵邑曹參賜爵七大夫遷五大

夫封執帛也楚爵號曰建成君遷為執珪食祿比封君而無邑

君曹參建成君樊噲賢成君鄧食其廣野君酈商信成周勃

君灌嬰宣陵君又號昌文君傅寬共德君斯欽臨平君周勃

賜爵五大夫晉威武侯賜爵列侯樊噲賜爵國大夫即官大

春秋秦獻公賜晉列大夫即公賜上聞爵得徑上封號賢成

君賜重封重封者加更賜爵列侯夏侯嬰爵七大夫賜執帛

更賜爵列侯號昭平君灌嬰爵七大夫賜執帛又賜執珪爵

列侯號昌文君劉昭曰戰國之際秦項之間權設班寵有加

項梁為武信君陳餘為成安君李左車為廣武君高帝二年

之類是也至漢尤多蓋在封爵之外別加美號也高帝二年

立漢社稷賜民爵漢官舊儀秦制二十爵男子賜爵一級以

田宅軍吏卒會赦其亡罪而亡爵及不滿大夫者皆賜爵爲
大夫故大夫以上賜爵各一級其七大夫以上皆令食邑非
七大夫以下皆復其身及戶勿事復其身及一戶之內皆不徭役又曰七大
夫公乘以上皆高爵也諸侯子及從軍歸者甚多高爵吾數
詔吏先與田宅及所當求於吏者亟與爵或人君上所尊禮
久立吏前曾不爲決甚亡謂也大夫五大夫也七大夫公大
邑者則自君其人故云或人君也異日秦民爵公大夫者令丞與亢禮今吾
於爵非輕也獨安取此且法以有功勞行田宅行猶有與也今小
吏未嘗從軍者多滿而有功者顧不得其令諸吏善遇高爵

稱吾意八年詔曰爵非公乘以上毋得冠劉氏冠孝惠帝初
卽位賜民爵一級中郎郎中滿六歲爵三級四歲二級外郎

滿六歲

中郎省中郎也外郎散郎也

中郎不滿一歲一級外郎不滿二歲

賜錢萬

此賜爵之差中郎二歲乃當一級今不滿二歲亦一級恩優之也

宦官尚食比郎中

謁者執盾執戟武士騶比外郎太子御驂乘賜爵五大夫舍

人滿五歲二級孝景帝後元年賜中二千石諸侯爵相右庶

長雖有尊官未必有

武帝元朔六年有司奏請置賞官名曰

武功爵級十七萬凡直三十餘萬金諸買武功爵官首者試

補吏先除千夫如五大夫

師古曰五大夫舊二十等爵之第九級也至此以上始免徭役故每

先選以為吏千夫者武功十一等爵之第七級也亦得免役今則先除為吏比於五大夫也

其有罪又減

二等爵得至樂卿

樂卿者武功第八等爵也

以顯軍功多用超等

茂陵中書有武

功爵一級曰造士二級曰閑輿衛三級曰良士四級曰元戎五級曰官首六級曰秉鐸七級曰千夫八級曰樂卿九級曰

執戎十級曰政戾庶長十一級曰軍衛師古曰此下云級十七萬凡直三十餘萬金今茂陵中書止於十一級則計數不

足宣帝本始元年詔賜右扶風德周典屬國武廷尉光李宗

正德大鴻臚賢韋詹事畸宋光祿大夫吉丙京輔都尉廣漢

賜爵關內侯德武食邑賜吏二千石諸侯相下至中都官宦

吏六百石爵皆有差中都官謂在京師諸官也自左更至五大夫

元康元年賜勤事吏中二千石以下至六百石爵自中郎吏

至五大夫佐史以上二級二千石至五大夫自此以下差降元帝初元二年

四月立皇太子賜御史大夫爵關內侯日知錄列侯曰侯關內侯曰君孔霸以師

賜爵關內侯號哀成君其薨也謚曰烈君中二千石右庶長天下當為父後者爵

一級哀帝時平當為御史大夫至丞相以冬月賜爵關內侯

有侯號而居更春乃封以冬月非封侯時自公孫宏後丞相

京無食邑夫爵內侯第十九等爵也宏本傳云先是漢常以列侯為丞

相唯宏無爵士於是詔封丞相宏為平津侯其後以為故事

平帝元始四年賜九卿以下至六百石宗室有屬籍者爵自
五大夫以上各有差五年諸侯王二十八人列侯百二十人
宗室子九百餘人徵助祭禮畢皆益戶賜爵是時王莽上奏
曰周爵五等地四等公一等侯伯二等子男三等附庸四等殷爵三等有其說
無其文孔子曰周監於二代郁郁乎文哉吾從周臣請諸將
帥當受爵邑者爵五等地四等奏可於是封者高爲侯伯次
爲子男當賜爵關內侯者更名曰附城及莽卽位封王氏齊
衰之屬爲侯大功爲伯小功爲子總麻爲男其女皆爲任也男服之義
王子侯者百八十一人皆降爲子其後皆奪爵

後漢爵亦二等皇子封王其郡爲國其列侯爲侯國封邑小

大不同其位序則與公卿相配大縣侯位視三公小縣侯位

視上卿鄉亭侯視中二千石舊列侯奉朝請在長安者位次

三公中興以來惟以功德賜位特進者次車騎將軍高密侯

特進奉朝請固始侯李通上大司空印綬以特進奉朝請鄧

賜位朝侯次五校尉賜位侍祠侯次大夫富平侯張奮來朝

鄧禹孫康以侍祠侯為越騎校尉自縣侯而下通號列侯金章紫綬朝服進

賢三梁冠官品第三都鄉侯在列侯下關內侯上所食有戶

數亦各有所封之地皇甫嵩封槐里侯中常侍趙忠張讓

謝上還東武侯印綬詔貶為都鄉侯趙忠以與誅梁冀功封

都鄉侯延熹八年貶為關內侯良賀卒帝封其養子為都鄉

侯三百戶梁冀得罪鄉侯下有都亭侯凡言都亭者亭侯知

錄通典獻帝建安初封曹操為費亭侯亭侯之制自此始也

恐不然靈帝以解讀亭侯入繼桓帝紀封單超等五人為縣

侯尹勳等七人爲亭侯列傳中爲亭侯者甚多大抵皆在章和以後丁綬言能薄功微得鄉亭厚矣樊宏願還壽張食小鄉亭則建武中似已有亭侯矣楚漢春秋高祖封許負爲鳴雌亭侯裴松之曰高祖時封皆列侯未有鄉亭之爵疑爲不然五等諸公金章朱綬朱質四采元文織百四十首廣尺四

寸長一丈六尺朝服進賢三梁冠官品第二地方七十五里位視三公班次邑三千八百戶國秩絹千八百匹妾六人車

前司馬十四人旅賁五十人建武二年封周後姬常爲周承

休公五年封殷後孔安爲殷紹嘉公十三年改常爲衛公安

爲宋公以爲漢實在三公上王者存二代而封及五郊天用天子禮以祭其始祖行其正朔

此謂通三統也三恪者敬其先聖封其後而已是年封孔子後孔志爲褒成侯志子

損永元四年徙封褒亭侯初平帝時王莽秉政封孔子後孔均爲褒成侯廿二史攷異郡國

志無褒成侯國當是亭侯非縣侯史例當書褒成初世祖閔亭侯或偶脫亭字肅宗因誤以爲徙封褒亭爾

宗室列侯爲王莽所廢詔并復故國若侯身已沒屬所上其

子孫見名尙書封拜至建武十三年詔長沙王興眞定王得

河間王邵中山王茂皆襲爵爲王不應經義其以興爲臨湘

侯得爲眞定侯邵爲樂成侯茂爲單父侯其宗室及絕國封

侯者凡一百七十三人

日知錄安眾侯崇居攝元年舉兵爲王莽所滅侯寵建武二年以崇從父

弟紹封十三年侯松嗣今見表言今見者止此一人是光武之時侯身已沒者其子孫亦但隨宜封拜而已惟安眾以故

國紹封者褒崇之忠非通例也又莽傳云嘉新公國師以符命爲子四輔明德侯劉龔率禮侯劉嘉等凡三十二人皆知

天命或獻天符或貢昌言或捕告反寇諸劉與三十二人同宗共祖者弗罷賜姓曰王唯國師公以女配莽子故不賜姓

武五子傳廣陽王嘉以獻符命封扶美侯賜姓王氏諸侯王表魯王閔獻神書言莽德封列侯賜姓王若此之類光武豈

得而復降王良爲趙公太原王章爲齊公魯王興爲魯公明封之乎

帝永平九年爲四姓小侯立學校四姓外戚樊氏郭氏陰氏

馬氏諸子弟以非列侯故曰小侯

顏氏家訓謂以少年獲封故曰小侯鄧禹少子鴻封

籌策永平中以爲小侯和帝建和二年四姓及梁鄧小侯賜帛馬鉅爲常從小侯

外戚恩澤侯建武

中封者四十五人顯宗在位後宮之家不得封侯與政章帝建初元年欲封爵諸舅太后不聽四年天下豐稔帝遂封三舅廖防光皆爲列侯和帝元興元年追爵謚皇后父鄧訓爲平壽敬侯順桓以後外戚擅權封爵踰制內寵浸盛恩澤侯多以無勞受封者時趙典上奏請削免不從宦者封爵始於順帝陽嘉四年聽中官得以養子爲後世襲封爵桓帝以梁冀兄弟專國詔中常侍單超等收冀及宗親黨與悉誅之封超新豐侯二萬戶徐璜武原侯具瑗東武陽侯各萬五千戶左官上蔡侯唐衡汝陽侯各萬三千戶五人同日封故世謂

之五侯又封小黃門劉普趙忠等八人爲鄉侯靈帝時例封

宦者以中常侍呂強爲都鄉侯強辭讓舊制丞相拜日封爲

列侯列侯爲丞相相國號君侯袁夢麟曰漢初丞相選用列侯至武帝用公孫宏起自疎

遠未有爵邑於是封平津侯丞相封侯自此始光武中興尙仍前制伏湛代鄧禹爲大司徒封陽都侯後免以侯霸代之

僅封關內侯歷九年而薨帝始下詔曰漢家舊制丞相拜日封爲列侯朕以軍師暴露功臣未封緣忠臣之義不欲相踰

未及爵命奄然而終因追封霸爲則鄉侯自後位三公者皆不復有茅土之封凡賜爵自公士已上

不得過公乘過者得移與子若同產子皇女封公主者所生

之子襲母封爲列侯馬定獲嘉公主子襲封獲嘉侯皆傳國馬當平陽公主子襲封平陽侯

於後鄉亭之封則不傳襲諸王女皆封鄉亭公主儀服同鄉

亭侯肅宗唯特封東平憲王蒼瑯琊孝王京女爲縣公主

東漢會要王侯號靈壽王彭城靖王重熹王樂城靖王承

義侯

完

成義侯

梁

興義侯

耿

奉義侯

景

輔義侯

庫

扶義侯

辛助義侯

竺

褒親侯

史

褒義侯

侯

褒德侯

卓

歸德侯

劉

褒

成侯

孔

顯親侯

友

建策侯

吳

建功侯

蓋

宣因侯

陰

討姦

侯

杜

折姦侯

燕

征羌侯

來

破虜侯

沈

不義侯

蒼

頭破羌侯

鬼率眾王

烏

率眾侯

其

至

徐天麟曰

漢世封侯皆以縣邑

其後或以鄉亭皆視其所食之邑而名之至於功名顯著

則有特加美名者西都信武冠軍富民博陸之類是也東

漢因之時有美號至於彭寵蒼頭以奴弒主而封之不義

侯夫果不義則不應封爵使其功可封則非可言不義矣

光武於是失之馬端臨曰秦漢以來所謂列侯者非但食

其邑入而已可以臣吏民布政令若關內侯則惟以虛名

受廩祿而已然西都景武而後漢置內史雖諸侯王亦無君國子民之實不過食其所封之邑入沈列侯乎然所謂侯者尙裂土以封之至於東都始有未與封邑先賜美號之例如靈壽王征羌侯之類是也至明帝時有四姓小侯乃諸外戚子弟以小年獲封者肅宗賜東平王蒼侯印十九枚令王子年五歲以上能趨拜者皆令帶之二者皆是未有土地先佩侯印受俸廩至此則列侯有同於關內侯者矣

魏制國王公侯伯子男次縣侯次鄉侯次亭侯次關內侯凡九等又置九品第一品黃鉞大將軍三公諸國王公侯伯子男爵大丞相第二品諸大將軍第三品九卿諸縣侯爵第四

品諸鄉侯爵第五品諸亭侯爵第六品諸關內名號侯爵諸
王公友第七品諸封公保傅相第九品異族封公世子庶子
初太祖建國置名號侯至五大夫與舊列侯關內侯凡六等
以賞軍功名號侯爵十八級關中侯爵十七級皆金印紫綬
又置關外侯十六級銅印龜鈕墨綬五大夫十五級銅印環
鈕亦墨綬王粲爵論曰爵自一級轉登十級而爲列侯譬猶
秩自百石轉遷而至於公也而近世賞人皆不由
等級故無爵封爲列侯原其所以爵廢古也司馬法曰賞不
踰時欲民速得爲善之利也近世爵廢人有小功無以賞也
乃積累焉須事足乃封侯非所以速爲而及時也上觀古比
高功臣白起衛鞅皆稍爵爲五大夫客卿庶長以至於侯非
一頓而封也夫稍稍賜爵與功大小相稱而俱登
既得其義且侯次有緒使暮進者逐之不倦矣
皆不食租
虛封自
此始時董昭建議宜修古建封五等太祖曰建設五等者
聖人也又非人臣所制昭曰明公邁威德明法術而定基之

本在地與人宜稍建立以自藩衛後太祖受魏公魏王之號

皆昭所建文帝黃初元年賜男子爵人一級爲父後及孝弟

力田人二級

王粲爵論曰古者爵行之時民賜爵則喜奪爵則懼今爵事廢矣民不知爵者何也奪之民亦

不懼賜之民亦不喜是空設文書而無用也今誠循爵則上下不失實而功勞者勸得古之道合漢之法以貨財爲賞者不可供以復除爲賞者租稅損減以爵爲賞者民勸而費省故古人重爵也

以漢諸侯王爲崇德

侯列侯爲關中侯三年初制封王之庶子爲鄉公嗣王之庶

子爲亭侯公之子爲亭伯又詔后族之家不得輔政及橫受

茅土之封後世若有背違天下共誅之六年改封諸王爲縣

王明帝太和六年詔改諸侯王以郡爲國於是改封郡王者

凡十有六人青龍元年改封宗室女非諸王女皆爲邑主景

初元年司徒司空並缺散騎侍郎孟康薦崔林後年遂爲司

空封安陽亭侯邑六百戶三公封列侯自林始少帝甘露元
年賜大將軍昭衰冕之服赤舄副焉進封高都公地方七百
里咸熙元年進晉公爵爲王增封十郡并前共二十郡夏五
月相國晉王奏復五等爵亦虛封也蜀封爵名號都亭侯馬
超漢壽亭侯關羽新亭
侯張飛陽泉侯劉豹青衣侯向舉都鄉侯劉琰南鄭侯魏延
都亭侯袁綝費觀高陽鄉侯吳壹元鄉侯高翔安樂亭侯吳
班漢成亭侯許允當陽亭侯姜維永昌亭侯趙雲城陽亭侯
陳震縣竹侯吳班賜爵關內侯黃忠王謀法邀董榮張嶷宗
預輔祭劉邕平陽亭侯王連孫福顯明亭侯向朗漢興亭侯
李恢陽遷亭侯呂凱亭侯王伉彭鄉亭侯馬忠安漢侯王平
陽武亭侯鄧芝都亭侯張翼安陽亭侯蔣琬威武
侯馬岱追賜關內侯龐統亭侯陳到中鄉侯輔弼

通典魏尙書奏以故漢獻帝嫡孫杜氏鄉侯劉康襲爵假
授使者拜授康素服奪情議按周禮天子公卿諸侯吉服
皆元冕朱裏元衣纁裳有喪凶則變之麻冕黼裳邦君麻

冕蟻裳云麻冕者則素冕麻不加采色又變其裳亦非純吉亦不純凶漢氏承秦改六冕之制以元冠絳衣一服而已有喪凶之事則變吉服以從簡易故諸王薨遣使者拜嗣子爲王則元冠纁絰服素以承詔命事訖然後反喪服考之前典則差周書論之漢室則合常制王肅議尊者臨卑不制纁麻故爲之素服今康處三年之喪在纁絰之中若因喪命之則無復素服若以尊王命則吉服拜受按尙書康王受策命吉服受之事畢又以吉服出應門內以命諸侯皆出然後王釋冕反故臣以爲諸侯受天子之命宜以吉服使者出反喪服卽位而哭旣合於禮又合人情詔從之肅又議凡奉神祭祀則有受胙之爵嘉慶事則有醺

醴之儀若君薨太子卽位孤之位無醴醴之儀成王病困乃召羣臣訓以敬保元子明日成王崩旣大歛羣臣以策書宣成王命以命康王是爲受顧命之戒非卽位之事王從三宿三祭上宗曰饗而不啻醴也此王者隨時之禮不可以爲拜諸侯嫡子之儀襲爵之日孝子孝孫增哀戚之懷非禮之所施且謂之王命所加而使者又旣出謂之受神之醴復非饋奠之時按拜陳思王子志爲濟北王又與今異猶須王啻醴畢然後使者出今據鄭元說卽位醴之以成禮猶愈於使者旣出不設饋奠臣猶以爲非禮之衷今京師廷拜諸侯嗣子無事有啻醴天子賜諸侯大夫冕弁服於太廟歸設奠服賜服於斯乎有冠醴而無冠醴此

謂諸侯大夫以平吉受賜衣於天子廟歸設祭於其廟服
賜服而受冠醴之禮也可依此使者既出公猶服命服設
奠而告又禮小祥之祭然後嚙之此自告其廟非王命所
加如禮不嚙既告反服卽位而哭詔從之飲至齒不入口
日嚙居重喪但
行其禮而
不取其味

論曰二漢中衰爵賞猥濫或婦豎而竊王寵或宦寺而
盜井邑逮於靈獻綱紀下替雖封拜大典不復關預人
主權姦自以其私相授受而已曹氏依託共主仗順討
逆河北諸藩俯首就夷於是中原粗定討功而封列將
高者佩通侯之印受苴茅之賞史冊所記凡二十有餘
人其餘以次論封亦不可選紀焉是時天子充位於其

上拱揖聽命唯恐後時既而又設名號之侯以獎勵戰
士遭時擾攘權以制宜比諸茂陵武功之爵命名雖殊
用意一也然介冑之夫輕冒矢石蹈死不避非盡出忠
義之性不過曰彼將以富貴寵利我耳今也設空名文
書而曾靡尺寸之實祿彼何所樂而爲我效命哉故王
粲之論以爲奪之不懼賜之不喜其旨可謂深切矣自
茲以還襲爲故事蓋有窮年汗馬身經百死而區區被
無謂之虛號其實與市井之貧民無以異耳又其甚者
夷爲餓隸散爲盜賊伏莽之戎由此興焉夫與人同樂
然後人憂其憂與人共安然後人恤其危今固不然方
其事之迫急也懸列高爵厚賞以招徠一世之材俊及

大盜既平諸將解甲而歸田里爲之主者坐視其饑寒
困辱曾無敝車故帷之戀焉嗟乎此介子推所以仰天
叩心而甘焚戮於窮山者乎善夫漢高帝之詔曰法以
有功勞行田宅今小吏未嘗從軍者多滿而有功者顧
不得背公立私守尉長吏教訓甚不善蓋帝崛起細微
與諸將併命行閒深悉其艱苦故言之殷勤若此彼守
成拘文法者烏足以語斯哉

晉有王公侯伯子男六等之封晉令有開國郡公縣公郡侯
縣侯伯子男及鄉亭關內外
凡九等等侯爵武帝泰始元年封建子弟爲王二十餘人罷五等之
制公侯邑萬戶以上爲大國五千以上爲次國不滿五千戶
爲小國先是裴秀議五等之爵自騎督以上六百餘人皆封

及帝卽位議郎段灼上表曰大晉諸王二十餘人而公侯伯子男五百餘國欲言其國俱小乎則漢祖之起俱無尺寸之地況有國者哉將謂大晉世世賢聖而諸侯之允常不肖耶則放勳欽明而有丹朱瞽叟頑凶而有虞舜天下有事無不由兵無故多樹兵本廣開亂原故曰五等不便也臣以爲諸王宜大其國增益其兵悉遣守藩使形勢足以相接諸侯伯子男名號皆宜改易使封爵之制祿奉禮秩並同諸侯之例帝異其奏二年詔曰五等之封皆錄舊勳本爲縣侯者傳封次子爲亭侯鄉侯爲關內侯亭侯爲關中侯皆食本封十分之一咸寧三年詔諸王公皆歸國中尉領其兵追進封故司空博陵公王沈爲郡公鉅平侯羊祜爲南城郡侯又南宮王

承隋王萬各於秦始中封爲縣王邑千戶至是改正縣王增
邑爲三千戶制度如郡侯自此非皇子不得爲王而諸王之
支庶皆皇家之近屬至親亦各以土推恩受封其大國次國
始封王之支子爲公承封王之支子爲侯繼承封王之支子
爲伯小國五千戶以上始封王之支子爲子不滿五千戶始
封王之支子及始封公侯之支子皆爲男非此皆不得封其
公之制度如五千戶國侯之制度如不滿五千戶國伯子男
以下各有差其未之國者大國置守土百人次國八十人小
國六十人郡侯縣公亦如小國制度諸人作卿士而其世子
年已壯者皆遣莅國博士孫敏等議按周禮典命之職凡諸
侯之嫡子誓於天子攝其君則下其君
一等謂公之子如侯伯而執珪侯伯之子如子男而執璧春
秋曹伯使其太子射姑來朝行國君之禮踐土之盟衛城公

傳其弟武如會經書曰衛武蔡甲午序於諸侯又左傳冢
子若行則守有守則從從曰撫軍守曰監國古之制也夫帥
師專行謀誓軍旅君與國其王公侯以下茅社符璽車旗命
政之所圖非太子之事也服一如秦始故事凡王金印龜紐練朱綬遠游三梁冠絳紗
朝服佩山元玉開國郡公縣公金章皁朱綬綬郡侯青朱綬
同進賢三梁冠絳紗朝服佩山元玉開國縣侯伯子男金章
朱墨綬冠玉亦同惠帝元康初楊駿輔政普進封爵石崇與
何攀立議奏曰今之開制當垂於後若尊卑無差有爵必進
數年之後莫非公侯竊謂秦始之初及平吳制度名牒悉存
縱不能遠準古典尚當依準舊事書奏弗納尋駿被誅汝南
王亮爲太宰督將侯者千八十一人傅咸致亮書曰自古封
賞未有若此者也及永康初趙王倫僭帝位郡縣二千石令

長赦回者皆封侯諸將並列大封其餘超階越次不勝紀至
於奴卒厮役亦加爵位每朝會貂蟬盈坐時人爲之語曰貂
不足狗尾續以府庫不充於賜故有白版之侯馬端臨曰晉
始分五等列
侯之秩已不一及楊駿輔政普進封爵以求媚於眾議者以
爲優於秦始皇命之初及諸侯平吳之功其後趙王倫既誅
賈后遂竊帝位在職者皆封侯厮役亦加以爵位故元帝始
白版之侯君子恥之則其所濫及者不可勝道矣
建中興欲賜諸吏投刺勸進者加位一等百姓投刺者賜司
徒吏凡二十餘萬熊遠以爲秦漢因赦賜爵非長制也今授
投刺者不獨近者情重遠者情輕可依漢法例賜天下爵於
恩爲普帝不從自漢魏以來賜諡多由封爵雖位通德重先
無爵者例不加諡王導上疏稱武官有爵必諡卿校常伯無
爵不諡甚失制度之本意也從之自後公卿無爵而諡導所

諫也

論曰賜爵之典肇自暴秦其始特以激干賞蹈利之士
既而積漸成俗民不見德惟爵是聞故閭閻以公乘侮
其鄉人郎中以上爵倣其父兄涼薄之風至斯已極是
以陳涉首難天下瓦解不數月而國都爲墟焉夫賞罰
不並科功罪不同等若賜爵可以減罪則獲爵者不甚
愛惜而犯罪者益無忌憚豈非大便夫姦惡之民而於
國家甚不利乎漢祖受命狃於積習不能改革其時將
相大臣又多起自武夫徒聞衰世苟且姑息之政而不
知先王慎重名器之義是以孝惠卽位普賜天下民爵
斯又效秦法而失之彌濫者也自茲以來國有大慶大

恤與夫改元加服之類輒推曠恩以給臣庶及神爵五
鳳之間郡國希旨盛言符瑞帝固信之不疑也於是爵
級之賜徧加閭閻紛紛然與粟帛同賤當是時小人懷
僥幸之心無故而叨竊天榮者何可勝道哉夫恩不欲
瀆瀆則玩賞不欲輕輕則褻漢之民習見朝廷之爵賞
可以苟且獵取也是以人人有睥睨名器之志而苟悅
氏之論乃以爲宣恩惠慰人心毋乃閤蔽而失其事理
乎當塗應運文明二后放舉故事比於漢氏十纓二三
晉惠失御九服板蕩三王權以濟難創爲己亥之格其
後依格施行收擢猥雜金紫佩士卒之身符策委庸隸
之手故陳頤上奏議其降辱天官黷賤王爵痛哉斯言

乎江左區區一隅羯虜外張生民多故而熊文遠爲之
建議方欲踵仍漢家舊式斤斤以市美名可謂務小惠
而不知大體者矣元帝屏而不用其猶得君人之道哉

宋制王子爲侯者食邑皆千戶諸王世子皆金印紫綬進賢

兩梁冠佩山元王大司馬大將軍位從公第一品諸大將軍

第二品

大將軍乃三公之職與諸將軍迥別諸將軍加大者其章綬官服佩玉與大將軍略同品秩疑亦相等

縣侯第三品鄉侯第四品郡國內史相亭侯第五品王國公

關內侯第六品

宋志無都鄉侯都亭侯

武帝永初元年封晉帝爲零陵

王詔曰晉氏封爵咸隨運改至於德參微管勳濟蒼生雖在

異代義無泯絕降殺之儀一依前典可降始興公封始興縣

公廬陵公封柴桑縣公始安公封荔蒲縣侯長沙公封醴陵

縣侯康樂公卽封縣侯以奉晉故丞相王導太傅謝安大將軍溫嶠大司馬陶侃車騎將軍謝元一依本秩無所減降謝靈運謝封康樂侯表亡祖奉國威靈董符戎重功參盤鼎胙土南服逮至臣身值遭泰路日月改暉鴻鈞曲成乃眷遐績式是興徵分虎紐初檀道濟從帝創義入京城以建義勳封吳龜復顯茅土

興縣五等侯錢大昕曰五等之封但假虛號未有戶邑長沙王道憐初封新興縣五等侯封新渝縣男食邑五百戶王鎮惡初封博陸縣五等子後追封漢壽縣子食邑五百戶向靖初封山陽縣五等侯後封安南縣男食邑五百戶劉粹初封西安縣五等侯後封潯陽縣男食邑五百戶孟龍符初封平昌縣五等子後封臨沅縣男食邑五百戶虞卽進初封臨川縣五等侯後封永新縣男食邑五百戶胡藩初封吳平縣五等子後封陽山縣男食邑五百戶

戶是五等侯尚在縣子縣男之下也

廿二史考異劉秀之封康樂縣侯而謚忠成公以贈三公故也徐湛之本枝江縣侯以贈司空謚忠烈公何尚之本

都鄉侯以贈司空謚簡穆公袁湛晉甯縣男以贈開府儀同三司謚敬公王元謨曲江縣侯以開府儀同三司贈莊公袁淑袁昂殷景仁王敬宏皆無封爵淑以贈太尉昂以司空景仁以贈司空敬宏以贈開府儀同三司故皆謚曰公若位非台司又無五等之封而得謚者例稱子如張緒謚簡子裴子野謚貞子之類是也

齊制王侯出身官無定准其封爵之等史無明文高帝建元元年賜人爵二級文武加位二等詔降宋晉熙王變爲陰安公江夏王躋爲沙陽公隨王翽爲舞陰公新興王嵩爲定襄公建安王禧爲荔浦公郡公主爲縣君縣公主爲鄉君詔曰宋氏通侯隨運省替降差之典宜增往制南康縣公華容縣

公可爲侯萍鄉縣侯可爲伯減戶有差以繼劉穆之王宏何

無忌後

劉悛襲爵鄱陽縣侯受禪國除夏侯恭叔上書以五

月詔曰宸運革命引爵改封宋氏第秩雖宜省替其有預效

宣力者一任本封有司奏留襄陽郡公張敬兒等六十二人

除廣興郡公沈曇亨等百二十二人

徐孝嗣襲爵枝江縣明公齊受禪例除封爵

帝卽位陳顯達封鄱陽郡公以太尉判鄱陽郡公爲三公事

而職典連率人以爲格外三公

錢大昕曰宋齊之世三公出典方州者多矣非始於顯達

也五等封爵無判事之職云判鄱陽郡公亦非也

徐孝嗣以定策勳進爵爲公增封

二千戶舊拜三公乃臨軒至是帝特詔與陳顯達王晏並臨

軒拜授

梁封爵亦如晉宋之制諸王皆假金獸符第一至第十九諸

公侯皆假銅獸符竹使符第一至第五諸王言曰令境內稱之曰殿下公侯封郡縣者言曰敎境內稱之曰第下自稱皆曰寡人五等諸公位視三公班次之開國諸侯位視孤卿重號將軍光祿大夫次之開國諸伯位視九卿班次之開國諸子位視二千石班次之開國諸男位視比二千石班次之武帝天監元年賜民爵二級文武加位二等詔曰興運升隆前代舊章齊世王侯封爵悉改降省惟宋汝陰王不在除例是日詔封文武功臣新除車騎將軍夏侯詳等十五人爲公侯又詔豫章王元琳故竟陵王昭胄子同齊氏宗國高武嫡胤宜祚井邑以傳於後降封新塗侯故南康縣侯子恪祁陽縣侯子範甯都縣侯子顯新浦縣侯子雲並降爵爲子故巴陵

王寶義封巴陵郡王以奉齊後定制自郡王以下列爵爲縣
六等皇弟皇子封郡王二千戶王之庶子爲縣侯五百戶諸
諸侯功臣爵邑無定科中大通六年詔宗戚有服屬者並賜
湯沐食鄉亭侯各隨遠近以爲差次先是特進位從公帝以
鄧禹列侯就第特進奉朝請是特引見之稱無定體於是革
之

陳封爵亦爲九等之差郡王第一品嗣王藩王開國郡縣公
第二品開國郡縣侯第三品開國縣伯第四品開國縣子第
五品開國縣男第六品湯沐侯第七品鄉亭侯第八品關中
關外侯第九品通典郡王嗣王藩王開國郡縣公開國郡縣
侯開國縣伯開國縣子開國縣男沐食侯鄉
亭侯關內侯關外侯凡十二等凡親王起家則爲侍中若加將軍方有佐史

皇太子冢嫡者起家封王依諸王起家餘子並封公起家中
書郎諸王子并諸侯世子起家給事三公子起家員外散騎
侍郎初高祖時天下草創諸王受封儀注多闕及世祖卽位
封伯山爲鄱陽王欲重其事乃遣散騎常侍度支尙書蕭寶
持節兼太宰告於太廟又遣五兵尙書王質持節兼太宰告
於太社蕭摩訶以功封綏遠郡公改授驃騎大將軍舊制三
公黃閣廳事置鵠尾後主特賜摩訶開黃閣門施行馬廳事
寢堂並置鵠尾

後魏王開國郡公第一品儀同三司開國縣公散公從第一
品諸將軍加大者開國縣侯第二品金紫光祿大夫散侯從
第二品開國縣伯第三品散伯從第三品開國縣子第四品

散子從第四品開國縣男第五品散男從第五品爵凡十二等道武皇始元年初封拜五等天興元年詔吏部尙書崔宏立爵品天賜元年八月初置六謁官準古六卿其秩五品屬官有大夫秩六品大夫屬官有元士秩七品元士屬官有署令長八品署丞九品其年減五等之爵始分爲四皇子及異姓元功上勳者封王宗室及始藩王皆降爲公諸公降爲侯侯子亦以此爲差於是封王者十人公二十二人侯七十九人子一百三人王封大郡公小郡侯大縣子小縣王第一品公第二品侯第三品子第四品舊臣有功無爵者追封之宗室疏遠及異姓襲封者降爵有差

太武時方士祈纘奏立四王以日東西南北爲名欲

以致吉除災詔崔浩與學士叢浩對曰先王顯祖天安元年建國以作藩屏不應假名以爲福世祖從之

詔諸詐取爵位罪特原之削其爵職其有祖父假爵號貨珠以正名者不聽繼襲諸非勞進超遷者亦各還初延興二年詔諸鎮將刺史假五等爵及有所貢獻而得假爵者皆不得世襲顯祖崩遷神主於太廟有司奏舊事廟中執事之官例皆賜爵程駿表曰漢祖有約非功不侯必當屬有命於大君之辰展心力於戰譟之日然後可應茅土之錫未見預事宗廟獲賞疆土自皇道開符罰頗減古賞實增昔時因神主改祔清廟致肅而授羣司以九品之命顯執事以五等之名豈足爲長世之軌從之高祖太和十六年制諸遠屬非太祖子孫及異姓爲王皆降爲公公爲侯侯爲伯子男仍舊皆降將軍之號舊制諸以勳賜官爵者子孫世襲軍號至是改降五

等革之襲爵而已又令諸有封爵者若無親子及其身卒雖
有養繼國除不襲時尉元降王爵封山陽郡開國公食邑六
百戶陸叡以父麗勳著前朝封鉅鹿郡開國公食邑三百戶
長孫觀襲祖爵上黨王帝以其祖道生佐命先朝特不降十
八年詔王公侯伯子男開國食邑者王食半公三分食一侯
伯四分食一子男五分食一

廿二史攷異孝文遷洛之後畿內郡國不以分封故河南王幹

徙封趙郡潁川王雍徙封高陽平陽公丕徙封新興山陽公尉元改封博陵榮陽侯李冲改封陽平河東侯薛達改封華陰陸麗源賀皆異姓爲王當依例得公爵及麗子叡以自訟得之懷以丁艱不容及例直至宣武之世上表陳請始得授北馮翊郡開國公此事之可疑者按諸傳稱封爵者皆不言食邑獨陸叡封鉅鹿郡開國公食邑三百戶源懷封馮翊郡開國公食邑九百戶竊意魏制公侯五等皆虛名無食邑懷雖襲公爵而未有邑戶故云不霑茅土之錫也又官氏志開國郡公第一品散公從第一品則散公與開國公班位亦別矣世宗永平二年詔五等諸侯

比無選式其同姓者出身公正六下侯從六上伯從六下子
正七上男正七下異族出身公從七上侯從七下伯正八上
子正八下男從八上清修出身公從八下侯正九上伯正九
下子從九上男從九下可依此敘之孝莊初以爾朱榮有扶
翼之功拜柱國大將軍位在丞相上又拜大丞相天柱大將
軍增佐史又以上黨王天穆爲太宰增佐史杜佑曰天柱之
王莽末劉伯升起兵自號天柱大將軍而梁末侯景克建業亦自爲宇宙大將軍都督六合諸軍事凡公主皆
嫁於實附之國朝臣子弟雖名族美彥不得尙焉道武帝見
此制又江陽王女辛盧太后詔贈鄉主

九品之名始於曹魏後魏更爲正從之制自是沿爲定
例迄今不廢漢書翟義傳義自號柱天大將軍後漢交

趾屯兵稱柱天將軍天柱之號西漢已有不始於伯升也

北齊有王公侯伯子男六等之爵王位列大司馬上非親王則在三公下封內之調盡以入臺三分食一公以下四分食一諸王五等開國太妃妃公主恭拜冊軸一枚長二尺以白練衣之用竹簡十二枚六枚與軸等六枚長尺二寸文出集書書皆篆字哀冊贈冊亦同冊諸王以臨軒日上水一刻吏部令史乘馬齎召版詣王第王乘高車鹵簿至東掖門止乘輅車既入至席尚書讀冊訖以授王又授章綬事畢乘輅車入鹵簿乘高車詣閭闔門伏闕表謝報訖拜廟還第就第則鴻臚卿持節吏部尚書授冊侍御史授節使者受而出乘輅

車持節詣王第入就西階東面王入立於東階西面使者讀冊博士讀版王俛伏興進受冊章綬茅土俛伏三稽首還本位謝如上儀在州鎮則使者受節冊乘輅車至州如王第文宣天保元年詔封魏帝爲中山王食邑萬戶封王諸子爲縣公食邑千戶其宗室降爵各有差孝昭皇建元年八月詔曰昔武王克殷先封兩代漢魏二晉無廢茲典及元氏統歷不率舊章朕纂承大業思宏古典但二王三恪舊說不同可議定是非列名條奏其禮儀體式亦仰議之自天保以來爵賞多濫至楊愔輔政先自表解其開封王諸叨竊恩榮皆從黜免錢大昕曰楊愔尙書令封公故稱令公斛律光利士開皆官丞相封王故稱相王爾朱世隆稱令王以官尙書令封也後主承武成之弊政委權庸豎羣小爭進張景仁出自寒

微以侍書開府封王其妻姓奇莫知氏族所出詔除王妃與
諸主郡君同在朝列見者慙悚初神武時有蒼頭陳山提蓋
豐樂頗蒙寵遇又有劉郁斤等並爲神武驅使至武平時山
提等皆以開府封王其不及武平者則追贈王爵又曹僧奴
子妙達以能彈胡琵琶俱開府封王又有何海及子洪珍並
舊蒼頭劉桃枝等皆開府封王其餘宦官胡兒歌舞人見鬼
人濫得富貴者殆將萬數庶姓封王者以百數開府千餘人
儀同無數領軍一時至二十人乃至狗馬及鷹亦有儀同郡
君之號有因雞號開府皆食其幹祿有赤彪儀同逍遙郡君
凌霄郡君

論曰魏自中世凶豎干紀悍臣專命爾朱榮挾其翊戴

之勳跋扈自雄凡爲之將士者不論功實俱蒙優秩繼
以世隆橫恣爵益猥濫衣冠之列咸懷忤恥鼎祚遂移
職此由矣齊氏初政因襲弊軌至於武平枉濫益甚或
廝隸而鼎貴朝右或嬖弄而暴擁冠蓋城狐社鼠布滿
於宮掖開府封王直等諸兒戲乃至犬馬雞鷹叨食縣
邑郡君之號假及飛走李延壽以爲書契以來未之或
有國運短促不其宜哉夫齊魏之先世本皆代貉之殊
族鮮卑之賤種生殺任其喜怒勳賞靡所準依天將穢
亂中原塗毒區夏煽犬羊之威虐縱異類以憑陵而一
世冠珣猥狎之徒階緣際會濫厠圭組朝爲俳優暮膺
茅社豈天固好弊亂人乎殆所以醜夷德而彰其腥濁

也當是時士之懷資抱道蘊憤而不得遇者豈可勝道哉豈可勝道哉

六典通考卷二十二

湖西閭鎮珩輯

爵命考

歷代爵命

後周有公侯伯子男五等凡封郡縣五等爵者皆加開國授
柱國大將軍初爾朱榮拜柱國大將軍榮敗後此官遂廢大
重者亦居此職凡有八人稱門閥者咸稱八柱國家云隴西
郡開國公李虎廣陵王元欣趙郡開國公李弼河內郡開國
公獨孤信南陽郡開國公趙貴常山郡開國公于謹彭城郡
開國公侯莫陳崇與太祖為八柱國後並改封此並太祖時
爵十二大將軍廣平王元育齊王元廓開國公宇文導開國
公侯莫陳順開國公達奚武陽平公李遠開國公豆盧革開
國公宇文貴開國公賀蘭祥開國公楊忠開國公王雄凡開
大將軍各統開府二人一開府領一軍是為二十四軍
府儀同者並加使持節大都督其開府又加驃騎大將軍侍

中其儀同又加車騎大將軍散騎常侍其授總管刺史則加使持節諸軍事廢帝三年始作九命之典以敘內外官爵以第一品爲九命第九品爲一命改流外品爲九秩亦以九爲上內命謂王朝之臣三公九命三孤八命六卿七命上大夫六命中大夫五命下大夫四命上士三命中士再命下十一命外命謂諸侯及其臣諸公九命諸侯八命諸伯七命諸子六命諸男五命諸公之孤卿四命侯之孤卿公之大夫三命子男之孤卿侯伯之大夫公之上士再命子男之大夫公之中士侯伯之上士一命公之下士侯伯之中士下士子男之士不命孝閔帝元平封魏帝爲宋公武帝保定二年詔曰寇難猶梗九州未一文武之官立功效者雖錫以茅土未及租賦諸柱國等

勳德隆重宜有優崇各准別制邑戶聽寄食他縣三年初令世襲州郡縣者改爲五等爵州封伯郡封子縣封男建德四年增置上柱國上將軍正九命

隋制正一品王爵太尉公司徒公司空公從一品上柱國郡王爵國公爵開國郡王公爵正二品柱國特進左右光祿大夫開國侯爵從二品大將軍金紫光祿大夫正三品銀青光祿大夫開國伯爵從三品上開府儀同三司正四品開府儀同三司開國子爵正五品儀同三司開國男爵開皇中制國王郡王國公郡公縣公侯伯子男凡九等樊子蓋進爵封爲下特爲立名無此郡國至煬帝唯畱王公侯三等餘並廢之皇伯叔昆弟皇子是爲親王及大長公主長公主皆置官屬其冊命諸

王公之禮帝臨軒陳車輅餘則否百司定列內史令讀冊訖受冊者拜受出又引次受冊者如上儀若冊開國郊社令奉茅土立於仗南西面每受冊訖授茅土焉初高祖受禪以周帝爲介國公邑五千戶爲隋室寶周室諸王盡降爲公詔曰自古帝王受終革代建侯錫爵多與運遷朕君臨海內事有不同立功立事爵賞仍行無計今古之殊其前代爵品仍可依舊煬帝大業六年詔曰王業艱難咸仗股肱疇庸茂賞開國承家誓以山河垂之不朽近代喪亂四海未一茅土妄假名實相乖皇運之初未暇改作今天下交泰宜率遵先典自今唯有功勳乃得賜封仍令子孫承襲改封安德王雄爲觀王初雄封廣平王改清漳郡王高祖曰清漳之名未允聲望令職方進地圖上指安德郡以示羣臣曰此號足爲名德

相稱於是改封安
德王至是改觀王

錢大昕曰楊素進爵郢國公眞食長壽縣千戶改封楚公
眞食二千五百戶別封子義康郡公邑萬戶素以宰相國
公僅食千戶而其子封郡公邑乃萬戶蓋五等封邑皆虛
名非眞有食戶也唐人結銜有食邑食實封之別蓋因於
此宋則并所食實封者亦有名而無實矣

唐爵凡九等一曰王食邑萬戶正一品二曰嗣王郡王食邑
五千戶從一品三曰國公食邑三千戶從一品四曰開國郡
公食邑二千戶正二品五曰開國縣公食邑千五百戶從二
品六曰開國縣侯食邑千戶從三品七曰開國縣伯食邑七
百戶正四品上八曰開國縣子食邑五百戶正五品上九曰

開國縣男食邑三百戶從五品上皇兄弟皇子皆封國爲親
王皇太子子爲郡王親王之子承嫡者爲嗣王諸子爲郡公
以恩進者封郡王襲郡王嗣王者封國公皇姑爲大長公主
正一品姊爲長公主女爲公主皆視一品皇太子女爲郡主
從一品親王女爲縣主從二品凡王公十五以上預朝集宗
親女婦諸王長女月二參其庶姓卿士功業特盛者亦封郡
王自至德元年至大歷二年封
異姓爲王者凡百一十二人其次封國公其次有郡縣開
國公侯伯子男之號並無官土其加實封者則食其封分食
諸郡以租調給自武德至天寶實食封者百餘家自至德二
年至大歷三年食實封者二百六十五家凡
食四萬四千
八百六十戶高祖武德元年六月奉隋帝爲鄴國公八月贈
隋太常卿高顗上柱國公上柱國賀若弼杞國公司隸大夫

辭道衡上開府臨河縣公刑部尚書宇文弼上開府平昌縣
公左翊衛將軍董純柱國狄道公右驍衛將軍李金才上柱
國申國公左光祿大夫李敏柱國觀國公范祖禹曰自晉魏
以來羈臣篡奪除
君之族而代其位以非道得之亦非道失之易姓之禍如循
一軌傳日君以此始亦必以終信矣唐高祖始卽位而錄隋
之子孫由漢以來最爲貞觀五年詔皇家宗室及勳賢之臣
忠厚其享國長世宜哉
宜令作鎮藩部貽厥子孫非有大故無或黜免所司明爲條
例定等級以聞至十一年六月詔荆王元景等二十一王長
孫無忌等十四人刺史皆令世襲無忌等皆不願之國上表
固讓明年詔停襲封刺史初高祖始興務廣支蕃鎮天下故
從昆弟子自勝衣以上皆爵郡王太宗卽位舉屬籍問大臣
曰盡王宗子於天下可乎封德彝曰漢所封惟帝子若親昆

弟其屬遠非大功不王如周郇滕漢賈澤尙不得茅土所以別親疏也先朝一切封之爵命崇而力役多以天下爲私奉非所以示至公帝曰朕君天下以安百姓不容勞百姓以養己之親於是疏屬王者皆降爲公唯嘗有功者不降王珪奏言三品以上遇親王於塗皆降乘建法申敬有乖儀准太宗日卿皆自尊而卑吾子乎建法自古迄今親王班次三公之下今三品皆天子列卿及八座之長爲王降乘非王所宜當也詔從之高宗龍朔二年制諸王子

嫡者封郡王任職從四品下敘其眾子封郡公從五品上敘永淳元年立皇孫重照爲皇太孫欲開府置寮屬吏部郎中主方慶曰案周禮有嫡子無嫡孫漢魏以來皇太子在不立太孫但封王耳晉立愍懷太子子或爲太孫齊立文惠太子子昭業爲太孫便居東宮而皇太子在而立太孫未有前例

上曰自我作古可乎乃使方慶詳求典故奏太孫府置師傅友文學祭酒及長史曹掾主簿管記司錄以下六曹從事等官各加王府一級上後頗以爲疑竟不補授而止凡諸王及公主皆以親爲尊皇之昆弟妹先拜於皇子上書稱啟神龍初下詔革之二年勅公主府設官屬永淳之前親王食實戶八百增至千輒止公主不過三百而太平公主獨加戶五十及聖厯時進及三千戶預誅二張功增號鎮國與相王均封五千而薛武二家女皆食實封主與相王衛王成王長甯安樂二公主給衛士環第十步一區持兵呵衛偕肖宮省神龍時與長甯安樂宜城新都定安金城凡七公主皆開府置官屬視親王安樂戶至三千長甯二千五百府不置長史宜城

定安非韋后所生戶止二千官員減半其金城公主以出降

吐蕃特宜置司馬至景龍四年六月停公主府依舊邑司

時安

樂公主中宗女恃寵驕恣欲皇后臨朝冀得自立爲皇太女遂同謀鴆殺既誅廢爲庶人焉景雲元年六

月勅公主置府近有勅總停其太平公主有崇保社稷功其

鎮國太平公主府卽宜依舊開元初詔外繼嗣王者皆歸宗

乃以嗣江王禕爲信安王嗣蜀王祿爲廣漢王嗣密王徹爲

濮陽王嗣曹王璵爲濟國公嗣趙王琚爲中山王武陽王繼

宗爲澧國公四年三月制諸封國自始封至曾孫者其封戶

三分減一十年加永穆公主封千戶

初永穆等各封五百戶左右以爲太薄上曰夫

百姓租賦者非吾有也知皆宗廟社稷蒼生是爲爾邊隅戰士出萬死不顧一生所負賜纔不過一二十疋此輩何功於人頓食厚封約之使知儉嗇不亦可乎左右以長公主皆二千戶請與比上曰吾嘗讀後漢書見明帝曰朕子不敢望先

帝子車服下之吾未嘗不廢卷歎息如何欲令此輩望長公主乎左右不敢復言主是公主等車服不給故加焉自後公主皆封千戶凡諸王及公主以下所食封邑皆以課戶充州縣與國官邑官共執文帳准其戶數收其租調均爲三分其一入官其二入國公所食邑則全給焉二十年五月勅諸食邑實封並以三丁爲限不須一分入官其物仍令封隨庸調送入京肅宗嘗問李光弼曰今郭子儀李光弼已爲宰相若克兩京平四海則無官以賞之奈何對曰古者官以任能爵以酬功爲今計俟天下既平莫若疏爵土以賞功臣雖大國不過二三百里比今小郡豈難制哉乃萬世之利也上曰穆宗卽位詔與元奉天功臣及蔡鄆立功將士普恩之外更賜勳爵

開元禮臨軒冊命諸王大臣將冊命前一日尙舍奉御設御幄於太極殿北壁南向守宮設羣官次於朝堂太樂令

展宮懸於殿庭又設舉麾位於上下並如常儀其日典儀設羣臣版位文官一品以下五品以上於懸東六品以下於大橫街之南俱西面武官一品以下五品以上於懸西六品以下於大橫街南俱東面以北爲上並如常儀設受冊者位於大街之南東重行北面西上設典儀位於懸之東北贊者二人在南少退俱西向奉禮設門外位文官於東朝堂西面武官於西朝堂東面俱每等異位重行北上其日依時刻諸衛勒所部列仗屯門及陳於殿庭如常儀受冊者服朝服從第備鹵簿與羣官俱集朝堂次羣官各服其服贊者乃引羣官俱出次典謁引就朝堂前位版奏請中嚴鈸戟近仗入陳於殿庭太樂令帥工人入就位協

律郎入就舉麾位諸侍衛之官各服其器服符寶郎奉寶
俱詣閣奉迎典儀帥贊者先入就位通事引羣官入就位
又引受冊者入立於太極門外道東西向中書侍郎以冊
置於案令史二人皆絳公服對立於左延明門內道北西
面侍郎立於案後侍中版奏外版辨皇帝服通天冠絳紗
袍御輿以出曲直華蓋警蹕侍衛如常儀皇帝將出仗動
太樂令令撞黃鍾之鐘右五鐘皆應協律郎跪俛伏興舉
麾鼓祝奏太和之樂皇帝出自西房卽御座南向坐符寶
郎奉寶置於御座如常儀樂止通事舍人引受冊者以次
入就位立定受冊者東北西面中書侍郎引冊案進入於
中書令之南少退俱西通事舍人引爲首者一人少前北

面中書侍郎取冊進授退復位中書令稱有制受冊者再拜中書令讀訖受冊者又再拜通事舍人引受冊者進受訖典謁引退復位又通事舍人引次受冊如上儀遍冊訖中書令以下還侍位持案者以案退典儀曰再拜贊者承傳羣官在位者皆再拜通事舍人引受冊者以次出侍中前跪奏稱侍中臣某言禮畢俛伏興還侍位皇帝興太樂令令撞蕤賓之鐘左五鐘皆應鼓祝奏太和之樂皇帝降座御輿入自東房侍衛警蹕如來儀侍臣從至閤樂止通事舍人引羣官在位者以次出若冊三師三公親王皇帝服充冕之服鼓吹令設十二案乘黃令陳車輅尙輦奉御陳輿輦諸衛設黃麾半仗受冊者初入門舒和之樂作至

位樂止冊畢初行樂作出門樂止餘同上儀冊開府儀同
三司太子三司驃騎大將軍左右丞相京都牧河南牧並
如臨軒冊命儀

後唐莊宗同光三年制將校已官者與加爵邑初唐室食實
封者給縑帛每賜爵遞加一級唐末及五代始有特加邑戶
而罷實封之給又去縣公之名封侯以郡

宋爵九等曰王曰郡王曰國公曰郡公曰縣公曰侯曰伯曰

子曰男分國三等大國二十七次國二十小國二百二十

中詔春秋秦漢以來及皇朝所封舊名分別大次小三等以爲定制焉文臣少卿監以上內職

崇班以上有封爵丞相學士刺史大將軍諸司使以上有實
封但以增邑數爲差不繫爵級邑過其爵則并進爵焉止於

開國郡公每加食邑自千戶至二百戶實封自六百戶至百

戶皆六等親王重臣或特加有踰千戶者至郡公食邑有累加至萬餘者實封至

數千者又於王爵之上有國王西凡加食邑宰相千戶實封

平南平之號皆非常典所加也四百戶危言曰宋祖取天下易於反掌而獨運籌策削平僭

偽當時佐命諸臣如石守信高懷德皆一時推戴之

識耳其參謀密勿勘定四方者不過趙普曹彬潘美數人非

有諡曹良平之奇房杜魏徵之識韓彭英衛之勞也而藩鎮

之勢固言其本爵授之故封典闕焉其後惟崇文事不

尚武功雖以李繼隆狄青之勳未有封爵而文臣至於宰執

則無不封國公者漢法非軍功不侯而宰相封侯者班史列

之以思澤傳蓋彼以分封為重此以名器為重古今異變不可

論也餘降麻官七百戶實封三百戶直學士以上五百戶實

封二百戶舍人待制散尚書至少卿監以上實封一百戶食

邑三百戶封縣開國男五百戶封子七百戶封伯千戶封郡

侯二千戶封公千五百戶以上始加實封惟將相食邑萬戶

卽開國亦或謙而不就者

慶曆七年郊惟夏竦滿萬戶中書請封英國公因詔使相未滿萬戶

皆得封杜衍既致仕因郊祀當加惠而食邑未滿萬戶特詔封祁國公蓋異禮也

宰相親王樞密使

經恩加一千戶兩府使相節度使七百日宣徽三司使觀文殿大學士以下至直學士文臣侍郎武臣觀察使宗室正任以上皇子上將軍駙馬都尉加五百戶宗室大將軍以上加四百戶知制誥待制并文臣少卿監武臣諸司副使宗室副率以上并承制崇班軍員等初該恩加三百戶承制崇班軍員再該恩二百戶二千戶以上雖有加例緣無定法親王重臣特加有至萬戶者食實封宰臣親王樞密使經恩加四百戶兩府使相節度宣徽使皇子上將軍并宗室駙馬都尉任觀察使已上加三百戶觀文殿學士并宗室正任已上騎都

尉加二百戶武臣崇班宗室副率已上加一百戶五百戶已

上雖有加例緣無定法親王重臣有特加至數千戶者皇屬

有特封郡公縣公或贈侯者無開國字侯無開國字在開寶

以來伐國降主及外臣叛命赦不誅者亦封侯皆因名以著

罪焉開寶四年劉鋹封恩赦侯九年李煜封建命侯淳化五年趙保中封宥罪侯其王公以下封

國之名舊有大次小三等以爲進封之次然或封拜又有權

升次小者爲大國者淳化五年九月詔升壽爲大國列於晉

封安王升安爲大國景德二年八月故雍王追封鄆王乃升

鄆爲大國中祥符七年五月故舒王追封曹王乃升曹爲

大國乾興元年三月追封鄆王初太祖卽位遷周恭帝於西

宮易其帝號曰鄭王建隆元年詔賜內外百官軍士爵賞貶

降者敘復父母該恩者封贈又采秦制賜民爵曰公士端拱元年

高年爵爲公士開寶中瀘密等州民呂繼美等並賜公士
五年賜父老祝道品爵公士祥符三年賜祥符等縣八
十以上者爵公士慶厯七年是時晉王宗太齊王廷美武功郡王昭德
年采索制賜民爵曰公士
王上宰相宋琪李昉等頓首言漢法丞相在諸侯王下請依
舊制不許自燕王薨祖宗之後未有封以王爵者慶厯四年
以富弼建議遂次第封拜封德文東平郡王濮王汝南允弼
北海允良華原郡王從藹英國公從煦安國公宗說祁國公
宗保健安郡公宗達思平郡公守望清源郡公辛巳詔德文
等十人並列本班之上少前故事皇族封王者物故則本宮
之長封國公其後以次受封神宗熙寧二年詔宣祖太祖太
宗之子皆擇其後一人爲宗世世封公以奉其祀不以服屬

盡故殺其恩禮三年太常禮院言本朝近制諸王之後皆用
本宮最長一人封公繼襲去年詔祖宗之子皆擇其後一人
爲宗世世封公卽與舊制有異案禮文諸王公侯伯子男皆
子孫承嫡者傳襲若無嫡子及有罪疾立嫡孫無嫡孫以次
立嫡子同母弟無母弟立庶子無庶子立嫡孫同母弟無母
弟立庶孫曾孫以下準此合依禮令傳嫡承襲詔可功臣之
號因唐制開元開賜號開元功臣代宗時有寶應功臣德宗
臣美名五代時有奉天定難元從功臣之號僖宗將相多加功
褒增其制凡宣制而授者多賜焉參知政事樞密副使刺
史以上階勳高者亦賜之中書樞密則推忠協謀親王則崇
仁佐運餘官則推誠保德翊戴掌兵則忠果雄勇宣力外臣
則純誠順化宰相初加卽六字餘並四字其累加則二字中

書樞密所賜若罷免或出鎮則改之其諸班直將士禁軍則賜拱衛等號遇恩累加但改其名不過二字敘贈之制三公宰相執政節度使三代金紫銀青光祿大夫二代餘官一代皆辨其位序以進之加食邑實封則視其品之高下以爲戶數多寡之節

宣和二年臣僚言近年有京官任校書郎正字者得封贈今則監丞未升朝者亦乞依例蓋緣監丞雜壓在校書郎之上故引以爲請甚無謂也又小使臣偶因薄勞或磨勘轉官遂乞回授封贈父母實爲太濫望降旨今後封贈並依舊法敢有擅更陳乞紊亂典章者實之典刑庶僥倖息而名分正矣從之

凡文武官告

身皆綾紙縹軸綾紙五種十二等色背銷金花綾紙二等一等十八張滴粉縷金花大犀軸八答疊錦襖韜色帶三公三少侍中中書令用之一等十七張滴粉縷金花中犀軸天下樂錦襖犀軸色帶左右僕射使相王用之白背五色綾紙二

等一等十七張滴粉縷金花翠毛獅子錦褙韜玳瑁軸色帶
知樞密院兩省侍郎尙書左右丞同知簽書樞密院事嗣王
郡王特進觀文殿大學士太尉東宮三少冀兗青徐揚荆豫
梁雍州牧御史大夫宗室節度使至率府副率之帶皇字者
用之一等一十七張暈錦褙韜玳瑁軸色帶觀文殿學士資
政殿大學士六尙書金紫光祿銀青光祿大夫左右金
吾衛左右衛上將軍節度承宣觀察並用之大綾紙四等一
等一十五張暈錦褙兩面撥花穗草大牙軸色帶宣奉正奉
大夫翰林學士資政端明殿學士龍圖天章寶文顯謨徽猷
閣學士左右散騎常侍御史中丞開封府六曹侍郎樞密直
學士龍圖天章寶文顯謨徽猷閣直學士正議通奉大夫諸

衛上將軍太子賓客詹事侯用之一等十二張法錦標兩面
撥花紅牙軸色帶給事中中書舍人通議大夫司成左右諫
議大夫龍圖天章寶文顯謨徽猷閣待制太中大夫祕書
中監伯用之一等一十張法錦標撥花常使大牙軸色帶中
大夫七寺卿京畿三路轉運使發運使中奉中散大夫通侍
大夫樞密都承旨祭酒太常宗正少卿祕書殿中少監正侍
中侍大夫入內內侍省內侍省都知諸州刺史中亮中衛大
夫防禦團練使太子左右庶子諸衛大將軍駙馬都尉典樂
子用之一等八張盤毬錦標大牙軸色帶七寺少卿朝議奉
直大夫左右司郎中司業開封少尹少府將作軍器監都水
使者拱衛大夫太子詹事左右諭德左武右武大夫入內內

侍省內侍省副都知樞密承旨副都承旨諸房副承旨起居
郎舍人侍御史左右司員外郎六曹郎中朝請朝散朝奉大
夫京畿三路轉運副使諸路轉運使副使知上州提舉三路
保中入內內侍省內侍省押班武功至武翼大夫開封左右
司錄事蕃官使臣殿中侍御史左右司諫正言監察御史和
安大夫至翰林良醫男用之內殿中侍御史監察御史用九
張蕃官使臣用大錦襖背帶此其小異者也中綾紙二等一
等七張中錦襖中牙軸青帶諸司員外郎朝請朝散朝奉郎
少府將作軍器少監諸位將軍太子侍讀侍講中亮中衛左
武右武郎中知下州諸路提點刑獄發運判官提點鑄錢承
議郎武功至武翼郎太子中允舍人親王府翊善贊讀侍讀

符寶郎太常中正祕書殿中丞六尚奉御大理正著作郎通事舍人太子諸率府率直龍圖閣開封府諸曹事大晟府樂令直祕閣崇政殿說書和安郎至翰林醫正用之一等六張中錦襖中牙軸青帶奉議郎七寺丞祕書郎太常博士著作佐郎國子少府將作軍器都水監丞國子博士大理司直評事修武敦武郎通直郎內常侍轉運判官提舉學士諸州通判御史臺檢法官主簿九寺主簿親王記室閣門祇候樞密院逐房副承旨從義秉義郎太學武學博士開封諸曹掾陵臺令兩赤縣令忠訓忠翊郎節度防禦團練副使行軍司馬太醫令太史局令正丞五官正翰林醫官辟廱博士太子諸率府副率用之小綾紙二等一等五張黃花錦襖角軸青帶

校書郎正字宣敎郎太常寺協律奉禮郎太祝郊社大官令
律學博士國子少府將作軍器都水監主簿宣義郎保護成
忠郎大學正錄律學承事承奉承務承信承節郎門下中書
省錄事尙書省都事三省樞密院主事辟廱正錄用之一等
五張黃花錦標次等角軸青帶幕職州縣官三省樞密院令
史書出流外官諸州別駕長史司馬文學司士助教技術官
用之凡內外軍校封贈綾紙三種分四等大綾紙二等一等
七張法錦標大牙軸青帶遙郡刺史以上用之一等七張大
錦標大牙軸青帶藩方指揮使御史前忠佐馬步軍都副都
軍頭馬步軍都軍頭藩方馬步軍都指揮使用之內帶遙郡
者法錦標色帶中綾紙一等五張中錦標中牙軸青帶都虞

候以上諸班指揮使御前忠佐馬步軍副都軍頭藩方馬步
軍副都指揮使都虞候用之內加至爵邑者用大綾紙大牙
軸大錦標小綾紙一等五張黃葩錦標次等角軸青帶諸軍
指揮使以下用之如加至爵邑者同上凡封蠻夷酋長及蕃
長綾紙兩種各一等五色銷金花綾紙一等十八張翠色獅
子錦標法錦韜紫絲網子銀盼錯滴粉縷金牡丹花玳瑁軸
色帶南平占城眞臘閩婆國王用之中綾紙一等七張法錦
標中牙軸青帶藩蠻官承襲轉官用之

遼制五院部在朝曰北大王院六院部在朝曰南大王院伊

寶部在朝曰伊寶

原作乙室

王府奚六部在朝曰奚王府統名四

大王府皇族孟父房蜀國王揚珠

原作巖尤

仲父房隋國王寶嚕

原作實魯又有親王國大東丹人皇王國掌公主帳宅則有駙馬

都尉府其爵三等國王郡王郡公郡名率以添水柳城混同

蘭陵亦如宋高密建安之類國名則屢進屢改有加至二國

者其初宗室與勳戚無異

太祖神冊六年詔正班爵

自道宗以後獨皇子

得高封餘或黜或降

太康五年詔惟皇子仍一字王餘並削降魏王耶律伊遜降混同郡王吳王蕭

罕嘉努蘭陵郡王致仕

蓋虛崇爵號略如宋制而食邑戶數亦不可考

其外戚多以功封非盡由恩澤

金封爵正從一品曰郡王曰國公正從二品曰郡公正從三

品曰郡侯正從四品曰郡伯

舊曰縣伯承安二年更

正五品曰縣子從

五品曰縣男凡食邑封王者萬戶實封一千戶郡王五千戶

實封五百戶國公三千戶實封三百戶郡公二千戶實封二

百戶郡侯一千戶實封一百戶郡伯七百戶縣子五百戶縣男三百戶皆無實封自天眷定制凡食邑同散官入銜鐵券以鐵爲之狀如卷瓦刻字畫欄以金填之外以御寶爲合半畱內府以賞殊功也官誥親王紅遍地雲氣翔鸞錦標金鸞五色羅十五幅寶髮犀軸十品紅遍地雲鶴錦標金雲鶴五色羅十四幅犀軸二品三品紅遍地龜蓮錦標素五色綾十二幅玳瑁軸四品五品紅遍地水藻戲鱗錦標大白綾十幅銀漆開鍍軸元牙軸承安四年改之大安二年復改爲金縷角六品七品紅遍地草錦標小白綾八幅角軸大安加銀縷太宗天會三年遼主延禧入見降封海濱王六年宋二帝入見於乾德殿封其父昏德公子重昏侯天眷元年詔百官

詰命女直契丹漢人各用本字渤海同漢人封叔宗強爲紀王宗敏邢王太宗子斛魯補等十三人爲王其年始禁親王以下佩刀入宮定封國制三年初定公主郡縣主及駙馬官品皇統元年改封海濱王耶律延禧爲豫王昏德公趙佶爲天水郡王重昏侯趙桓爲天水郡公

元爵八等王正一品郡王從一品國公正二品郡公從二品郡侯正三品郡侯從三品郡伯正四品郡伯從四品縣子正五品縣男從五品

郡王國公時有除拜者餘則止於封贈用之

元興宗室駙馬通

稱諸王歲賜之頒分地之入甚優且渥然初制簡樸無位號惟視印章爲輕重後遂有國邑之名而賜印之等如舊其封一字王者金印獸紐兩字王者金印螭紐次有金印駝紐金

鍍銀印駝紐金鍍銀印龜紐其同姓無國邑稱王者但曰宗
王諸王之女槩稱公主定制非勳臣世族及封國之君莫得
尙主世聯戚畹者親視諸王凡諸王分地與所賜湯沐邑得
自舉其人以名聞朝廷而後授其職憲宗元年頒便益事宜
於國中凡朝廷及諸王濫發牌印詔旨宣命盡收之諸王馳
驛許乘三馬遠行亦不過四諸王不得擅招民戶諸官屬不
得以朝覲爲名世祖中統元年詔中書省給諸王塔齊爾益
都平州封邑歲賦金帛并以諸王布呼原作寶勒們刺門
所屬民戶人匠歲賜給之至元十三年五月封宋主熈爲瀛
國公朝廷錄平宋功遷至宰相執政者二十餘人因議更定
官制王磐奏疏曰歷代制度官爵所以示榮寵職位所以委

事權功勞隨其大小酬以官爵才能隨其所堪處以職位此人君御下之術也臣以爲有功者宜加遷散官或賜五等爵號如漢唐封侯之制不宜任以職位

明太祖洪武三年詔封第二子椿爲秦王次櫚晉王棣燕王

橚吳王楨楚王椿齊王樟潭王杞趙王檀魯王姪孫守謙靖

江王皆授以冊寶設置相傅官屬及諸禮儀親王授官明初文正爲司簽書

樞密院事特拜大都督奏王爲宗人令晉王燕王爲左右宗人正周王楚王爲左右宗人俱正一品十七年更

定冊寶親王俱授以金冊金寶王妃止授金冊不用寶皇太

子之次嫡子並庶子年十歲皆封郡王授以塗金銀冊銀印

親王嫡長子年十歲立爲王世子授以塗金銀冊銀印次子

及庶子年十歲皆封郡王冊印亦如之郡王次子授鎮國次

孫輔國次曾孫奉國皆將軍凡三等次元孫鎮國次五世孫
輔國次六世孫奉國皆中尉凡三等親王女曰郡主郡王女
曰縣主孫女曰郡君曾孫女曰縣君元孫女曰鄉君凡五等
靖江王府視郡王降一等公侯伯凡三等以封功臣及外戚
皆有流有世功臣則給鐵券洪武二年太祖欲封功臣議爲
錢允有一家藏吳越王繆唐賜鐵券遂遣使取之因其式而
損益焉其制如瓦第爲七等公二等一高一尺六寸五
分一高一尺五寸五分廣一尺六寸侯三等一高一尺四寸
五分伯二等一高一尺三寸五分廣一尺四寸五分
分廣一尺二寸五分外刻歷履恩數之詳以記其功中鐫免
罪減祿之數以防其過字嵌以金凡九十七副各分左右左
頒功臣右藏內府有故則合之以取信焉三年大封功臣八
六人侯二十八人並賜鐵券封號四等佐太祖定天下者曰開國輔運
誠從成祖起兵曰奉天靖難推誠餘曰奉天翊運推誠曰奉

天翊衛推誠武臣曰宣力武臣文臣曰守正文臣歲祿以功

爲差已封而又有功仍爵或進爵增祿其才而賢者充官營

總督五軍都督府掌僉書南京守備或出充鎮守總兵官否

則食祿奉朝請而已年幼而嗣爵者咸入國子監讀書

嘉靖八年

定外戚封爵毋許世襲其有世襲一二代者出特恩駙馬都尉位在伯上凡尙大長公

主長公主公主竝曰駙馬都尉其尙郡主縣主郡君縣君鄉

君者竝曰儀賓歲祿各有差皆不得與政事凡爵非社稷軍

功不得封封號非特旨不得與或世或不世皆給誥券衍聖

公及戚里恩澤侯不給券凡券左右各一左藏內府右給功

臣之家襲封則徵其誥券稽其功過覈其宗支以第其世流

降除之等凡封贈公侯伯之追封皆遞進一等三品以上政

京官滿一考及外官滿一考而以最聞者皆給本身誥勅七品以上皆得推恩其先五品以上授告命六品以下授勅命一品三代四軸二品三代三軸四品五品六品七品一代二軸八品以下流內官本身一軸一品軸以玉二品軸以犀三品四品軸以象牙五品以下軸以角曾祖祖父皆如其子孫官公侯伯視一品外內命婦視夫若子之品生日封死日贈若先有罪謫則停給其封贈後而以墨敗者則追奪凡歲請封宗室王郡王將軍中尉妃主君各以其親疏爲等百官於宗王具官稱名而不臣王臣稱臣於其王

論曰隋唐以來人主推恩於臣下之父母生則有封沒則有贈及藝祖肇基遂定爲著令今考宋史職官志凡

一命以上莫不因其身以榮其親而特立美號以褒之
禮文繁幽于是極矣相沿至今千有餘年上以爲浮文
下以爲優寵覈其名實多不相符而亦莫有議其非焉
者也夫人才之賢否不同流品之清濁亦異嘗有祖父
厠迹微賤行事不齒於鄉閭迨其子孫一朝鼎貴遂乃
飾情上陳強丐華耀而綸綍之集於其門者累累未有
已也娼伶之下隸混於搢紳傭賈之舊貫尊爲耆德又
其甚者富人出百石之粟假託津要多方浼請有司不
問其誰何以是爲臺署故事準例酬給焉而已至其草
麻之詞任意鋪張盛談虛美述門第則亞於崔盧論德
行則班於曾閔當之者冥不知愧忤聞之者傳以爲戲

笑輕襲名器不亦甚乎或謂鯀殛而禹興父頑而子聖
苟可以掩其先慝雖崇之錫典何害應之曰易云幹蠱
書著蓋愆羣牛之有駢角山川勿舍爲子之令聞克家
者言也若乃行身污穢居官狼藉貪墨登於白簡謗怨
盈於道路遭會寬大脫死爲幸顧當其筮仕之始朝廷
已嘗褒厥父祖而授之封秩矣逮晚節潰敗又未必果
追而奪之而彼其人自視有中書之制誥命之冊方且
峩衣大冠誚誚然附託於鄉老大夫之列若是者人心
刑敝廉恥道喪非百年必世其孰得而易之乎

婦人爵命

三代之制諸侯之婦曰夫人

夫之言扶

大夫曰孺人

孺之言屬

士曰婦

人言服庶人曰妻妻之公侯有夫人有世婦有妻有妾天子

也無后與邦君之妻君稱之曰夫人夫人自稱於天子曰老

婦自稱於天子謂畿內諸侯自稱於諸侯曰寡小君謂諸侯

之自稱於其君曰小童若云未邦人稱之曰君夫人異邦人

日君自世婦以下者自稱曰婢子婢之言卑也於其君稱此

凡婦人無爵從夫命之爵坐以夫之齒爵謂夫命為大至秦

漢婦人始有封君之號左傳齊辟司徒之妻封之石窰是春

延鄉有崔母者免其難故以延鄉為封上縣

封崔母焉又許負河內溫縣婦人封明雌侯

漢異姓婦人以恩澤封者曰君比長公主高后二年封蕭何

夫人同為鄼侯呂祖謙曰婦人古無封侯者呂后以女主稱

景帝封王皇后母曰平原君元壽七年始令列侯太夫人夫

人諸侯王子及吏二千石無得擅徵補

如淳曰列侯之妻稱夫人列侯死子復爲

列侯乃尊稱太夫人子不得列侯則不得稱之

後漢婦人封君儀比公主油畫輦車帶綬以采組爲緹帶各

如其綬色黃金辟邪加其首爲帶顯宗時東海王彊上疏言

天恩愍哀以臣無男之故處臣三女小國侯

卽婦人封侯也若呂后之妹呂

須封爲臨光侯蕭何夫人封鄧侯之類

順帝封宋娥爲山陽君邑五千戶尙書

令左雄上封事曰夫裂土封侯王制所重誠不宜追錄小恩

虧失大典案尙書故事無乳母爵邑之制唯先帝時阿母王

聖爲野王君造生譏賊今阿母躬蹈儉約而與王聖同爵號

懼違本操乞歲以千萬給奉阿母帝卒封之

安帝封皇太后母陰氏爲新野

君靈帝封何皇后母興爲舞陽君獻帝封董卓母爲池陽君

鄧后臨朝爵其太夫人爲新

野君萬戶供湯沐邑薨贈以長公主赤綬諡曰敬君梁冀爲大將軍宰宣言冀有周公之功其妻宜爲邑君詔遂封冀妻孫壽爲襄城君兼食陽翟租歲入五十萬冀一門夫人女食邑稱君者七人

魏文帝欲封皇太后父母尚書陳羣奏曰案典籍之文無婦人分土命爵之制在禮典婦因夫爵秦違古法漢氏因之非先王之令典也帝曰此議是也其勿施行仍著定制載之臺閣

晉武帝泰始六年詔太傅壽光公鄭沖太保華陵公何曾皆假夫人世子印綬食本秩三分之一皆如郡公侯比

封虞潭母孫氏

武昌侯太夫人加金章紫綬太康元年封羊祜夫人爲鄉君孝武時哀帝外祖母高安鄉君進封宣城君廣德君

宋高祖母蕭氏初封豫章國太夫人妻臧氏為國夫人鄱陽縣侯

孟懷王上母檀氏拜國太夫人有司奏許御史中丞袁豹以為婦人從夫之爵懷王父綽見任大司農其妻不宜從子

晉令式云郡公侯太夫人中人銀印青綬佩水蒼玉宋齊之

後多用其制至隋氏始定品格高涼女子洗氏世為南越首領有功詔冊為高涼郡太夫人

人齋繡轡油絡駟馬安車旌節鹵簿一如刺史之儀後冊為護國太夫人仍開護國太夫人幕府置長史以下官屬

唐外命婦之制皇帝妃嬪及太子良娣以下為內命婦公主及王妃以下為外命婦內命婦職員令中其

制大約皆出於諸王母妻及妃文武官一品及國漢魏不復重敘

公其非始封者帶三品以上亦同母妻為國夫人三品以上母妻為郡夫人

四品妻為郡君若勳官二品有五品母妻為縣君若勳官三品有封者

亦同散官同職事若勳官四品有封母妻為鄉君其母邑號

皆加太各視夫子之品若夫子兩有官及爵或一人有官及爵者皆從高蔭其不因夫

子別加邑號者夫人云某品夫人郡君云某品郡君縣君鄉君准此

諸庶子有五品以上官封者若嫡母在所生之母不得爲太

妃以下無者聽之其中宗時韋皇后表請諸婦人不因夫子承重者不合

而加邑號許同見任職事聽子孫用蔭門施榮戟制之儀太后

時契丹寇平州平州刺史鄭保英妻爰氏率城內女子助守賊遂退封爲成節夫人又成亨元年贈武太后母爲魯國

夫人諡開元八年五月勅准令王妻爲妃文武官及國公妻

爲夫人母加大字一人有官及爵者聽從高敘但王者名器

殊恩或頒異姓妻或從夫受秩令甲更無別條率循舊章須

依往例自今以後郡嗣及異姓王母妻並宜准令爲妃乾元初詔

百官元日冬至於光順門賀皇后于休烈爲太常奏周禮有

命夫朝人君命婦朝女君自顯慶以來則天后甫行此禮而

命婦與百官雜處在禮不經帝罷之貞元六年太常卿崔縱奏諸國王母未有

封號請遵故典爲某國太妃吏部郎中柳冕等狀稱歷代故事及六典無公主母稱號伏請降於王母一等命爲太儀各以公主本封加太儀之上從之

宋太祖建隆三年詔定文武羣臣母妻封號太皇太后皇太后皇后曾祖母祖母母封國太夫人諸妃曾祖母祖母母封郡太夫人嬈好祖母母封郡太君貴人母封縣太君宰相使相三師三公王侍中中書令曾祖母祖母母封國太夫人妻國夫人樞密使副知院同知參知政事宣徽節度曾祖母祖母母封郡太夫人妻郡夫人簽書樞密院事曾祖母祖母母封郡太君妻郡君東宮三太文武二品嗣王郡王國公郡公縣公母郡太夫人妻郡夫人其下縣太君縣君孺人各有差

母封贈所生母未封亦不許先及其妻

隨所封五等謂如封南陽縣開國男則隨其爵稱南陽縣應

夫人不因夫子得封號謂命官非升朝而母年九十以上或

者或因子孫得封贈其夫至升朝或非升朝應封贈者竝孺

人詔命婦列郡縣以稱君蓋非婦道且等級無別於是定制

中大封宜以上封夫人尚書以上封淑人侍郎以上封碩人大

命婦羅紙四種分五等銷金團窠花五色羅紙二等一等十

帔諸薄粉縷金梔子花玳瑁軸郡主縣主國夫人內命婦郡

夫人執政官祖母妻用之銷金大花五色羅紙一等七張

雲雁錦襪色帶紫絲網子銀帔銷滴粉縷金玳瑁軸寶林

御女采女二十四司典掌尚書省掌籍掌樂主管仙韶用之

金花五色羅紙一等七張法錦襪色帶紫絲網子銀帔銷

縷金玳瑁軸郡夫人郡君宗室妻朝奉大夫遙郡刺史以上

母妻升朝官母諸班直都虞候指揮使禁軍都虞候軍都虞

候御前忠佐母蕃官母妻諸神廟夫人用之五色素羅紙一

等七張錦標額色帶紫絲綢子銀帔鎔大牙軸宗室女升朝
官妻諸直都虞候指揮使禁軍都虞候軍都指揮使忠佐
妻用之

金制親王母妻封一字王者舊封王妃爲正從一品次室封
王夫人承安二年勅王妃止封王夫人次室封孺人郡王母
妻封郡王夫人國公母妻封國公夫人郡公母妻封郡公夫
人郡侯母妻封郡君承安二年更爲郡侯夫人四品文散少
中大夫武散懷遠大將軍以上母妻封縣君承安二年爲郡
君五品文散朝列大夫武散宣武將軍以上母妻封鄉君承
安二年爲縣君郡主縣主夫人紅遍地瑞蓮鵝鵝錦標金蓮
鵝鵝五色羅十五幅郡王夫人國夫人紅遍地芙蓉花錦標
金花五色綾十二幅玳瑁軸縣君孺人鄉君紅遍地雜花錦

標素五色小綾十幅銀裏間鍍軸軸之制如徑二寸餘大錢

貫樞之兩端復以犀象爲鈿以轄之可圓轉如輪金格一品

氣蓋龍錦標金龍五色羅十七幅寶裝玉軸二品

鳳羅十六幅犀軸三品四品盤鳳標金鳳羅十五幅五品

鸞錦標金鸞羅十四幅以上幅皆用五色羅軸皆用犀六品

御仙花錦標金花五色綾十二幅七品八品九品太平花錦

標金花五色小綾十幅軸皆用玳瑁凡標皆紅幅

皆五色夫人以上制按餘勅授皆給本色錦囊

元一品封國夫人二品封郡國夫人三品封郡侯夫人四品

封郡君五品封縣君六品封恭人七品封宜人至治三年新

格省臣言封贈之制本以激勸將來比因乞請者封贈曾祖

母祖母并母生封並加太字若已亡歿或曾祖祖父父在者

不加太字婦人因夫子得封者不許再嫁如不遵守將所受

宣敕追奪斷罪離異曾祖父母祖父父母父母曾犯十惡奸盜

除名等罪及例所封妻不是以禮娶到正室或係再醮倡優婢妾並不許申請

明外命婦之號九

公曰某國夫人侯曰某侯夫人伯曰某伯夫人三品曰淑人四品曰恭人五品曰宜人六品曰安人七品曰孺人

因其子孫封者加大字

夫在則否三母不竝封兩封從優品嫡在不封生母生母未封不先封其妻妻之封止於一嫡一繼凡功臣推封制封某國公者卽封某國夫人封某侯者卽封某侯夫人伯子男同又制封贈公侯伯子男者其公侯夫人各從其爵伯子男夫人止封夫人不得用爵